

SEGUNDA CARTA DEL APÓSTOL SAN PEDRO

Pedro escribe a los creyentes

1 Nugö, dúr Simón Pedro, úr jandaderogui car Jesucristo. Guegue-ca bi ddajqui cam cargo pa gu xij yu cjahni nur tzi ddayo jña. Por digue nar carta-na, dí nzohquijü, nuquejü, xcú cjaü í bajtziquijü ca Ocja, como guegue bi nzojtiqui quir tzi müyju, cja gú hñemejü car Jesucristo. Parejo xtú töhtibijü cár tzi ttijqui car Cristo, nugöje ndí yojme car Jesús bbü mí bbüjcuca jar jöy, cja nuquejü, gú hñemejü, pe jí xquí ccahtijü. um Cjaa-göjü car Jesucristo. Guegue-ca bi du pa bi ddajquijü car nzajqui ca jin da tjegue, dí göhtjoju. ²Cam Tzi Tajü jitzí da möxquiguejü pa gui ndo padijü ja i ncja guegue cja co cam Tzi Jmüjü Jesús. Da ddahquijü rá ngu bendición pa gui hmüpju rá zö cja gui yojmu co ni cár tzi ttijqui.

Cualidades del cristiano

³Rá ndo nzeh cam Tzi Jmüjü Jesucristo, cja xí ddajquijü hnar ddadyo hmüy cja co göhtjo ca dí nestaju pa gu hmüpju hua jar jöy ncja ngu ga ne cam Tzi Tajü jitzí. Nugöje dú meyaje car Jesús bbü

mí bbüjcuca jar jöy. Dú ccahtije, guegue mí yojmi cár poder ca Ocja. Nxøgue már zö ca mí ma cja co ca mí øte. Eso, bbü mí nzojquije dú tenije cja dú emeje. ⁴Como rá ndo nzedi guegue, guejtjo bi xijquije cu dda promesa rá nzedi cu i föxquije rá ngu. Hnehquiguejü, bbü xcú hñemejü cu promesa-cu, ca Ocja xí ddahquijü hnar ddadyo hmüy ca rí hñe guegue. Ya jin da dahquijü cu nttzomfeni cu i mandadobi yu cjahni yu jí í bajtzi ca Ocja. Nu cu cjahni-cu, da bbedijü, como i tenijü nur mundo, cja da mpuni göhtjo yu i cja hua. ⁵Nuquejü, como ya xcú hñemejü cu promesa cu xí xijquijü ca Ocja, gui zedijü ca grí hñemejü. Guejtjo gui nxödjü pa gui hmüpju rá zö. Cja pé gui nxödjü pa más gui padijü ja i ncja ca Ocja. ⁶Guejtjo gui nxödjü gui penti quir mfenijü, pa jin da dahquijü cu mfeni rá nttzo. Jin da gaxi ir müyju bbü gui tzejtjü prueba por rá nguehca grí tenijü car Cristo. Cja jønca, pé gui nxödjü ja ncja grí hmüpju pa da tzøh ca Ocja, göhtjo ca gui dyøtjü. ⁷Cja diguebbü ya, pé gui nxödjü gui mah quir minga-hermanoju. Cja xtrí gax ya, gui nxödjü gui

neju göhtjo yu cjahni, ncja ngu gri netsjeju.

⁸Como bbu gui nxödiyu gui hmupju ncjanu, cja jin gui jiejmu ca grí dyotiju yu xtú mangua, nubbu, da tzi sirvebi ca Ocja cu cjeja cu xcrú hmupju hua jar jöy, cja xquí pehtziju algo pa gui döjtiju bbu xtí ntjeju guegue. Nubbu, jin dur hmeditjo ca xcu hñemeju cam Tzi Jmujü Jesucristo. ⁹Porque cu cjahni cu ya xí hñeme nur evangelio cja i bbujtjo ncja ngu nguá hmu máhmeto, bbu jim be mí eme, i ncjaju ncja ngu hnar godö ca i ccahti jontsje hna tzi tujquitjo. Cu cjahni-cu, xí dabeniju te rá nguehca ca Ocja bi guhtzibiju ca rá nttzo ca mí tujü. Ya jin gui mbeniju, xí salvaguiju pa gu jejmü ca rá nttzo, cja pa hnahño grá hmupju ya. ¹⁰Eso, dí xihquiju, um cjuadaquiju, jin gui segue gui hmupju ncja ngu nguír hmupju máhmeto. Gui mpeguiju pa gui hmupju ncja ngu xtú xihquiju. Nubbu da fadi, cierto, xí nzohquiju ca Ocja. Guejtiquigüeju, xquí pehtziju confianza, cierto, xí cjahqui í bajtziquiju. Nubbu, jin gui cojmü xutja, cja jin gui wembiyu jár hñü ca Ocja. ¹¹Bbu gui hmupju ncjapü, nubbu, jin da nesta gui yomfeniju, ¿cja gui tzoniju nu jítzi, huá jina? Nubbu, xquí padiju, da xogui rá zö cu goxtji pa gui cutiju pu jabu bí bbuh cam Tzi Jmujü Jesucristo. Guegue i mandado pu göhtjo ur tiempo, cja xí ddajquiju nur ddadyo hmuy nu dí pehtziju ya.

¹²Nugö, jin gu tzöya ca dár mbembiquiju yu xtú xihquiju, masque ya xquí padiju rá zö ja i ncja nur evangelio, cja ya xcu zediju

ca grí hñemeju. ¹³Dí ina, menta dí bbujti hua jar jöy, rí ntzöhui cjaatjo gu mbembiquiju ja ncja grí hmupju. ¹⁴Como ya xtí padi, jin tza ngu i bbedi pa gu tzoquiquiju, gu jej nur mundo, cja da zixqui ca Ocja. Cam Tzi Jmujü Jesucristo ya xí xijqui, ya xquí guejtiju gu tu. ¹⁵Guejtjo dí mpegui dár jojqui cu dda libro gu tzoquiju, pa bbu ya xcrú tugö, da jogui gui ccahtiju-cu car hora ca gui nestaju, cja gui mbeniju ja ncja yu palabra yu xtú xihquiju.

Los que vieron la grandeza de Cristo

¹⁶I ntjumuy car mensaje ca xtú xihquiju digue cam Tzi Jmujü Jesucristo. Ya xtú xihquiju, pé du co guegue, da jña cár cargo cja da mandado hua jar jöy. Nucá, jin gur bbedetjo gá ntjöti ca xtrú mbentsje yu cjahni. Nugöje, dú ccahtitsjeje te tza már nzeh car Jesucristo, cja dú ccahtitsjeje hneje bbu mí yoti cár tzi tjay. ¹⁷⁻¹⁸Guejtsje car Tzi Ta jítzi bi hñihtzibi car Jesús, cja bi ujtiguije, mero múr Ttu guegue. Ca hnar pa, bbu ndár bbupje car Jesús pu jar ttøø, dú ccahtije ja ngá juex quí dajtu co ni cár jmi, ncja ngu nur jiadi. Dú ccahtije, hnahño mír nigui. Guejtjo dú øjme ca Ocja, cár Tzi Ta, mbí ña pu mbo jar jítzi, bi nzojquije, bi ma: “Gue num Tzi Ttu, i ddaatsje-nu. Dí ndo tzøjø.” Eso, dí padije, ntjumuy nar palabra na dí xihquije.

¹⁹Guejtjo dí pehtziju cu Escritura cu bi dyöti cu profeta cja bi zoguiguju. Cu palabra cu i mam pu já Escritura i jñejmi car palabra ca bi tsjiquije bbu ndár bbupje jar ttøø. Göhtjo yojo i sirve ncja

testigo, i xijquijü ja i ncja ca hnaa ca dí emejü. Nuquiguejü, i nesta gui jñuhpijü ndumuy ca i man cü Escritura-cü, como nucá, i xijquijü palabra cü i nesta gu padijü menta dí bbüjtijü hua jar mundo hua jabü i ndo cja ca rá nttzo. I jñejmü hnar lámpara ca i yojquijü hua jabü rá hmexuy. Gui segue gui nxödijü te i man cü Escritura-cü hasta bbü xta ncumpli ca i ma. Nubbü, cja xquí padijü, bbü, ya xquí guejtípü du eh car Jesucristo. ²⁰Pe i nesta bbeto gui ntiendejü jabü rí hñej yü Escritura. Ca Ocja bi xih cü profeta ter beh cä di jñützi. Eso, car cjahni ca i ccahti yü Escritura pa da xij yü pé ddaa te i ma, jin da mantsje quí mfeni. Da dyöjpi ca Ocja da mötzi pa da badi te i ne da man cü palabra cü bi ttun cü profeta. ²¹Como guejtsje cü profeta jí mí mbentsje tema mfeni di jñützi pa di ncja yü Escritura. Guegue-cü mí tzujü ca Ocja, cja mí öjtijü ca mí xijmü. Eso, bi jñuxjü ca bi xijmü cär Tzi Espíritu ca Ocja.

Los que enseñan mentiras

2 Maħmeto mí bbüh cü dda metjri profeta, mí ne di jiöti quí cjahni ca Ocja. Ncja ngu yü pa ya, pé i bbüh cü dda metjri profeta hneje cü i ne da jiöhquijü. Da ujti yü cjahni cü dda palabra cü jin gui cierto. Da dyötijü ddahtzü, da huñihui palabra cü rá zö, pa jin da fadi te rí dyötijü. Nu cü cjahni cü da hñeme-cü, da bbedi. Cü cjahni-cü da xihquijü hnahño palabra digue cam Tzi Jmuju Jesús, masque guegue-cä bi dü pa bi gúzquigöjü ca rá nttzo. Pe como drá

nttzo quí vidajü, da fadi jí í bajtzi ca Ocja. Nu ca Ocja da hna mempi cár castigojü, da hna dujü, como bbetjritjo cü palabra cü da ujtiquijü.

²Nu cü jiöjte maestro-cü, da dyöti hmetzö cja da jiöti rá ngu cjahni pa da hmüpjü ncjadipü. Cja como drá nttzo cár vida ca da hmüpjü, da ttzan nar evangelio por rá ngue cü jiöjte-cü. Como da hñina cü pé dda cjahni cü jin gui eme, hnaguüdi ca i ten cü jiöjte-cü, hnaguüdi ca dí tenijü. ³Cü cjahni-cü da ndo ne da jña ur domi, cja da jojtiquitjojü, santa gui dyöjpijü da segue da ujtiquijü cja pa gui segue gui unijü domi. Nucá, jin da huetijü car castigo ca ba eje. Como ya má yabbü bi man ca Ocja te di ncjajpi cü jiöjte profeta, cja ya jin tza i ngu tiempo i bbedi pa da züh cár castigojü cja da mpun cü cjahni-cü.

⁴Cü cjeja cü xí tjogui, ca Ocja bi castiga cü ángele cü jin gá ne gá dyöjtibi cár jña. Jin gá jöjqui-cü, bú fongui pü jar jítzi, bi moti pü jar infierno pü jabü rá ndo hmexuy. Cja nuya, i hñati pü hasta bbü xtu eh car pa bbü xta ttun cár castigojü.

⁵Ca Ocja guejtjo jin gá jöjqui cü cjahni cü mí bbücua jar jöy bbü jí bbe mí cja car munti. Jöntsjetjo car Noé co ni cü pé dda yojto cü mí bbüh pür ngu, ca Ocja bi jöjqui-cü pa jin di bbedijü. Car Noé mí xih cü cjahni di jiejmü ca rá nttzo ca mí dyötijü cja di hñemejü ca Ocja. Pe jin gá ne gá dyödeje. Eso, ca Ocja ndejmá bú pejni car munti, bi ñuxi deje göhtjo nar jöy, cja bi dü göhtjo cü cjahni-cü. ⁶Ca Ocja guejtjo bi castiga cü mingu Sodoma hñeh cü mingu Gomorra. Bú pejni tzibi

desde p̄a j̄itzi, bi duti c̄u j̄ñini-c̄u c̄ja bi mpun c̄u c̄jahni c̄u mí bb̄uh p̄a. Tje bi nz̄o, bi goji j̄ontsj̄e quí bbojtzibi, pa di ccahtij̄a c̄u pé dda c̄jahni c̄u mí bb̄up̄j̄a cerca, como guejt̄i-c̄u j̄í mí tzuju c̄a Oc̄ja. Xajma di ntzohmij̄a tema castigo di z̄u gueguej̄a hneje bb̄u di segue di dȳotij̄a c̄a rá nttzo. ⁷Nu ca hnar hñ̄ōj̄o ca mí tsjifi ̄ur Lot, ca Oc̄ja bi guj̄qui p̄a jar j̄ñini Sodoma, como guegue mí tzu c̄a Oc̄ja, c̄ja mí ndo ntz̄ote bb̄u mí ccahti ja nc̄ja nguá hm̄uh c̄u minḡu p̄a. Nttzedit̄jojo már nttzo ca mí øtij̄a, mí ndo ndujp̄itej̄a, como jin te mí tzuju c̄a Oc̄ja. ⁸Hnajpa ngu hnajpa, car Lot bi ccahti c̄u hmetz̄o c̄u mí øti c̄u minḡu p̄a, c̄ja bi dȳoh c̄u hmetz̄o palabra c̄u mí majm̄u. Bi ntz̄ote c̄ja bi ungui ̄ur dum̄y, como guegue mí tzu c̄a Oc̄ja. Nu ca Oc̄ja bi guj̄qui p̄a jar j̄ñini Sodoma bb̄u ya xti d̄duti-c̄a. ⁹C̄u c̄jeya c̄u xí tjogui, ca Oc̄ja mí castiga c̄u c̄jahni c̄u mí nt̄øxtihui. Nu c̄u to mí em̄e guegue, mí föx-c̄u. I nc̄jadip̄u ȳu pa ya hneje. Car Tzi Ta j̄itzi i pah bb̄u i tz̄ohui prueba c̄u c̄jahni c̄u i jonij̄a, c̄ja ya xí mbeni ja nc̄ja dr̄i guhtzibi. Guejt̄jo i pad̄i to c̄u c̄jahni c̄u i ndujp̄ite. Nucá, i jegui da hm̄y hasta bb̄u xta z̄oh car pa bb̄u xta tj̄ampi ̄ur huenda, c̄ja nubbá, xta ttun cár castigoj̄a, bb̄á.

¹⁰Nu c̄u j̄īj̄te maestro c̄u i ne da uj̄tiquij̄a hnah̄ño palabra c̄u jin gui cierto, jin da huetij̄a, como bí t̄ohmi ca Oc̄ja car pa bb̄u xta un cár castigoj̄a. Nuc̄u, i øtij̄a c̄u cosa rá nttzo c̄u i netsjej̄a, i mbenij̄a nttzomf̄eni, c̄ja jin gui ihtzibij̄a cam Tzi Jmuj̄a Jesús. I ndo hñ̄ixtsje

ga ñaj̄a, hasta i tzanij̄a c̄u bí bb̄uh p̄a j̄itzi. Jin gui tzuju c̄a Oc̄ja, ni digue quí ángele. ¹¹Nu c̄u ángele c̄u más i bb̄uh cár ttzedi c̄ja co cár cargoj̄a, bb̄u ga nguatiuj̄a c̄a Oc̄ja pa da göxij̄a ter beh c̄a xí dȳoti quí minḡa-ángelej̄a, i penti quí mfenij̄a c̄ja i ntzohmij̄a tema palabra da jogui da xijm̄u. Masque da xijm̄u ca Oc̄ja te xtrú dȳoti quí hñohuij̄a, pe jin da hna zanij̄a.

¹²Nu c̄u j̄īj̄te maestro c̄u dí xihquij̄a du eje, jin gui tzuje, i ndo tzajtej̄a. C̄u dda mfeni c̄u jin gui ntiendej̄a, i mandij̄a, jin te ntjum̄y-cá. I j̄ñejmi zuwe c̄u c̄jahni-c̄u, como jin gui mben ca Oc̄ja. I øtij̄a göhtjo ca i mbentsje mbo ̄ur m̄yju. Ca Oc̄ja xí un ȳu zuwe cár nzajqui-ȳu, c̄ja pé xí ddajquij̄a ̄ur tsjejqui pa gu tz̄ajm̄u ȳu zuwe c̄ja gu p̄øhtij̄a. Da nc̄jadip̄u c̄u c̄jahni c̄u dí xihquij̄a. Xta hna z̄uh cár castigo ca mí r̄ ntz̄ohui di ttuni. ¹³Como gueguej̄a xí dȳøhtibij̄a c̄a rá nttzo c̄u pé dda c̄jahni, guehc̄a da ncohtzibij̄a-cá. C̄u c̄jahni-c̄u, i ndo tz̄ø̄j̄o da dejpa da nt̄i c̄ja da dȳoti car ttzodyo. Nuquej̄a, guí mpejniuj̄a-c̄u, parejo guí tzij̄a, como i tsjifi hermano hneje. Nu gueguej̄a i ndo gustabi da dȳoti c̄u cosa rá nttzo c̄u i mbentsje mbo ̄ur m̄yju. I øtij̄a hmetz̄o. Jin gui ne da hm̄up̄j̄a nc̄ja ngu xcá xijquij̄a c̄a Oc̄ja, como jin gui bb̄up̄j̄a conforme pa cada hnar hñ̄ōj̄o, da hm̄abi ca hnaatjo ̄ur bbej̄ña ca xí nt̄aj̄tihui.

¹⁴C̄u c̄jahni-c̄u, göhtjo tema bbej̄ña ca i ccahtij̄a, i ne da j̄īotij̄a. Dé i mbenij̄a to pé da hm̄abi, c̄ja jin gui ne da jiejm̄u n̄ur hmetz̄o-n̄u. Gue

cü cjahni cü jin tza i ntiende bi cár palabra ca Ocja i jötijü pa da hñeme hnahño palabra cü jin gui cierto. Guejtjo i ndo moxi domi cja co cü pé dda cosa cü i cja hua jar mundo. Ya xí mañ ca Ocja, da bbeh cü cjahni-cá. ¹⁵Máhmeto cü metjri maestro mí padijü nür palabra nü ncjuani, pe bi jiejmü cja bi denijü cü dda palabra cü jin gui tzö. Nuya, ya xí ndo wembijü car palabra ca ncjuani. Ya xí dyøtjü ncja ngu gá dyøti car Balaam, como xí ntøxtihui ca Ocja. Car Balaam mí padi to ca Ocja, cja co ter beh cã mí ne-ca, pe jí mí ne di dyøjti ca mí xih ca Ocja. Ndejma mí ne di möx quí contra cü israelita cü mbá jajü guerra, como nucú bi ñahtibijü domi car Balaam bbü di mötzi pa di hnapi cü israelita. Cja car Balaam bi möx quí contra cü israelita, masque ya xquí mañ ca Ocja jin di dyøti-ca. ¹⁶Nu ca Ocja bi huenti car Balaam cja bi ccahtzi. Car burro ca mí tøh car Balaam pü jabü mír ma, bi nzofo. Car zuwe bi ña ncja ur cjahni, como ca Ocja bi cjaipi bi ña. Bi ccax car Balaam pa jin di ma du ntøxtihui quí cjahni ca Ocja.

¹⁷Nu cü jöjte maestro cü xtü xihquijü, jin te da möxquijü. Metjritjo-cü. I ncjajü ncja ngu nür bbønguy, como i cjujti car jiahtzi. Bbü rá ndo nzeh car ndajj, ba tü car bbønguy, cja jin tza i nigui car jiahtzi, bbü. Guejti cü cjahni cü da dyøjti cü maestro-cü, da hmü jar bbexuy. Cü cjahni-cü, ya xí tjojqüibi hnar lugar pü jabü da ncastiga. Da déjü pü, da hmüpü pü jabü rá ndo hmexuy, nim pa ncjahmü da ccahtijü car jiahtzi. ¹⁸Bbü ga ña cü

cjahni-cü, i majmü quí mfenitsjeju rá ndo nte pa gui mbenijü te tza rá ngu i padijü. Pe jin gui ncjuani ca i majmü, hnahño car palabra ca ba jajü. I xijmü cü hermano, i tjeguitjoju gu øtjü cü hmetzö cü i øti cü cjahni cü jin gui emejü. Cja i jötijü cü cjahni cü cja xca fudi xca jiejmü cü costumbre rá nttzo cü mí tenijü mahmeto. Ncjapü ga cohtzijü drí ma xütja, pa pé da ntzixihui cü cjahni cü jin gui eme nür palabra ca Ocja, cja pa pé da dyøtjü cosa rá nttzo hneje. ¹⁹Cü jöjte-cü, i xih cü cjahni cü i ne da jöti, nuya jin da nesta da mbenijü tema mandamiento. Da jogui da dyøte göhtjo tema cosa ca di mbentsjeju. I ñajü ncjahmü ya xqui bbüpü libre gueguejü. Pe jin gui cierto ca di bbüpü libre-cü. Nu cü nttzomfeni cja co cü cosa rá nttzo cü i nejü, guehcü i mandadobi cü cjahni-cü. Bbü i bbü tema cosa o tema mfeni ca i eguijü pa gu øtjü ca rá nttzo, nubbü, jin dí bbüpü libre. ²⁰I bbüh cü dda cjahni cü ya xí mbadijü nür evangelio, cja pé xí jiejmü. Máhmeto mí majmü, mí emejü cam Tzi Jmujü Jesucristo. Nuca bi dü por rá nguejcöjü. Pe nuya, ya xí wenijü, xí ma xcá ngojmü jar mundo. Ya pé xqui øtjü cü cosa rá nttzo cü bi jiejmü bbü ngá hñemeju. Nuya, más rá ndo nttzo cár hmüy ni ndra ngue bbü jí bbe mí meyajü nür evangelio. ²¹Masque ya xí mbadijü nür hñü rá zö, pé xí wembijü, xcá ngojmü xütja. Mír ntzöhui jin di den nür evangelio, cja jí xcá jogui ca xcá ndenijü cja pé xí jiejmü. Como bi badijü, xcuí hñeh ca Ocja car palabra ca bi tsijmü, pe ndejma

xí dyejmũ. ²²Cũ cjahni-cũ, cierto xí dyøtiju ncja ngu ga ma nar jña-na: “Car dyo, xí nzi, xí ungui Ƴr dyøjö, cja jønca xí yojpi xí nzitjo. Guejti car zacjua, xí tsajti, cja jønca pe xí ma xpá nxajtsje car bøjöy.”

La venida del Señor

3 Nuya, Ƴm tzi cjuadaquijũ, guejñã rá yo carta ñã dí penquijũ. Por medio ñar carta-ñã cja co hneje ca hnaa ca bbeto dú penquijũ, dí mbembiquijũ car palabra ca bi zoguije cam Tzi Jmuju Jesús. Guegue bi guzquijũ ca rá nttzo ca xtú øtiju. ²Nuquejũ, ya xquí padijũ car palabra-cá, como bi jñux cũ profeta jáy libro ter beh cã dí ncja. Cja pé bi xihquijũ ncjadipũ quí jmandadero car Jesucristo cũ bú janquijũ ñar tzi ddadyo jña. Nugó dí padi, xcú hñemejũ ca ncjuani, cja guí ne gui tenijũ-ca, pe xtú yojpi xtú escribi ja i ncja.

³Bbeto, dí ne gu mbembiquijũ te da ncja bbũ xta guaj ñar mundo. Bbũ ya xta ncja-ca, du eh cũ dda hñøjø cũ da dembitjo cũ hermano, da majmũ jin gui cierto ñar palabra ñũ dí tenijũ. Nucũ, jin da hñemejũ, ¿cja pé du eh car Jesucristo? Guejtjo da dyøtiju göhtjo ca da netsjejũ, cja drã nttzo quí vidaju. ⁴Da man cũ cjahni-cũ: “Xí ya, ¿dyocã jí bbe ba eh car Cristo ncja ngu gã mã? Desde ya má yabbũ bbũ mí du car Abraham, cja co car Isaac, cja co car Jacob, i ncjadinũ ñar mundo. Göhtjo yũ i ncja, i bbajtjo ncja ngu nguá hmũh bbũ mí ttøti ñar mundo.” Da ncjapũ drí man-cũ. ⁵Nu cũ cjahni-cũ, jin gui ne da ntzohmijũ ja mí ncja ñar mundo

ya má yabbũ. Tza Ƴr mudí, bbũ jí bbe mí ttøti ñar mundo, nxøgue múr deje. Nubbũ, ca Ocja bi ñandi cár palabra, bi juejqui cũ deje, cja bi ncjapũ gã dyøti car jítzi cja co car jöy cũ mí bbũ máhmeto. Cũ pa-cũ, mí cjadi deje pu jar jítzi cja co pu mbo car jöy. ⁶Ma ya, bbũ ya xquí tjob cũ cjeya rá ngu, ca Ocja bi mbeni mí nesta di cjuajti car mundo. Nubbũ, bi mandadobi cũ deje pa pé bi ñux ñar jöy. Causa bi ncja car mñti, cja bi du pu jar deje göhtjo cũ cjahni cja co göhtjo cũ te mí bbjucua jar jöy. ⁷Diguebbũ ya, bbũ ya xquí tjob car mñti, ca Ocja bi jojqui ddadyo ñar jítzi co ñar jöy. Cja nuya xí mã guegue, bbũ pé xta mpun ñar mundo, xta ncja hñar ndo tzibi, göhtjo da nzø. Da hmajtí ñar mundo hasta bbũ xta mandado ca Ocja pa da ncja car juicio. Nubbũ, da nzø ñar mundo cja da ncastiga cũ cjahni cũ jin gui tzu ca Ocja, da bbedijũ.

⁸Cierto, ncjahmũ ba dé cam Tzi Jmuju pa du eje. Pe i nesta gui ntzohmijũ, Ƴm tzi cjuadaquijũ, dí cjahnitjogøjũ, jin dí mbenijũ ncja ngu ga mben ca Ocja. Pa guegue i jñejtihui hnajpa, hñar mil año. Jin gui tzøjpi chí tchũ hñar pa, cja jin gui tzøjpi rá ma hñar mil año. ⁹Guejtjo jin gui jejtí cár promesa cja jin gui tzøjpi rá ntji pa da cumpli ca xí mã. I bbũh cũ dda cjahni i majmũ, ca Ocja jin da cumpli ca xí mã. Nu guegue i juiguiguijũ cja i tøbiguijũ como i ne da ungui lugar göhtjo yũ cjahni pa da dyødeju cár palabra, cja pa da jogui da repentijũ, santã da hñemejũ, göhtjo cũ to da ne. Como jin gui ne ca Ocja pa da bbej yũ cjahni.

¹⁰Bb̄a pé xtu eḥ cam Tzi Jmuj̄a Jesús, du hna eṭjo ncja hnar be bb̄a nxuy. Nubb̄a, da ndo f̄an n̄ar j̄itzi, da nde, da nzø, cja da nzø yu tzø, hneje. Da ndo n̄antzi xtrí yøte, cjuá da zu yu cjahni.

¹¹Nuquiguej̄a, como ya xquí padij̄a, da tjegue cja da mpuni göhtjo n̄ar mundo, rí ntzøhui gui ntzunj̄a pa gui dyøtij̄a ca da tzøḥ ca Ocja, cja gui jionij̄a guegue, göhtjo mbo ir m̄ayj̄a.

¹²Rí ntzøhui gui jojqui quir vidaj̄a cja gui hm̄apj̄a listo, gui tøhmij̄a car pa bb̄a xtu eḥ car Cristo pa da j̄ñanquij̄a ur huenda cja da juzgaguij̄a. Bb̄a xta ncja-ca, da nzø n̄ar j̄itzi cja da juagui göhtjo yu te bí bb̄aj-n̄a. Tje da yøte. ¹³Nugöj̄a dí padij̄a, cierto da ncja ca xí xijquij̄a ca Ocja, cja guehca dí tøhmij̄a-ca. Guegue da dyøte ddadyo n̄ar j̄itzi co n̄ar jöy, pa da hm̄uh p̄u c̄u cjahni c̄u xtrú hñeme. Guegue-c̄u da hm̄apj̄a hnar vida drá zö. Como jin da tjegui da hm̄uh p̄u c̄u to di øti ca rá ntzo.

¹⁴Eso, dí nzohquij̄a, ̄um tzi cjuadaquij̄a. Menta dár tøhmij̄a du eḥ cam Tzi Jmuj̄a, gui uni ir m̄ayj̄a pa gui jiejm̄a göhtjo ca rá ntzo. Cja bb̄a xquí ntjej̄a ca Ocja, cja da tjanquij̄a ur huenda, nubb̄a, jin gui ntzøtij̄a, cja jin te da ddöjtiquij̄a. ¹⁵Bb̄a dí inaj̄a, ba de car Jesucristo pa du eje, i nesta gu mbenij̄a, guegue i ndo pehtzibi ur ttijqui yu cjahni yu jin gui eme. I tøhmi-yu, xajm̄a da guatij̄a cja da hñemej̄a, pa guejti-c̄u da dötij̄a car nzajqui ca jin da tjegue. Bi xihquij̄a

ncjap̄a cam tzi cjuadaj̄a car Pablo bb̄a ngá escribi c̄u dda carta c̄u xpá menquij̄a. Guegue mí pehtzi mfeni rá j̄itzi, mí padi ja i ncja ca Ocja, como nucá bi uni jogui mfeni. ¹⁶Guejti c̄u pé dda carta c̄u bi dyøti car Pablo, i xijquij̄a te rá nguehca jim be ba eḥ car Jesucristo. Nu car Pablo, ndejm̄a bi j̄ñutzi tengu palabra c̄u rá ntj̄i. Jin tza dí ntiendej̄a te i ne da m̄an c̄u palabra-c̄u. Nu c̄u cjahni c̄u jin tza i pehtzi mfeni rá ngu o jin gui eme car Jesucristo göhtjo mbo úr m̄ayj̄a, guegue-c̄u, bb̄a ga ccahtij̄a c̄u palabra-c̄u, i nquivocaj̄a. Hnahño ga mben-c̄u, hnahño ngá m̄an car Pablo bb̄a ngá j̄ñux c̄u palabra-c̄u. Nu c̄u cjahni-c̄u, como jin gui cierto ca i emej̄a, da bb̄edij̄a.

¹⁷Nuquiguej̄a, ̄um tzi cjuadaquij̄a, como ya xquí padij̄a te da ncja, gui zedij̄a, cja gui segue gui hñemej̄a n̄ar palabra n̄a ncjuani, como ya xquí ntiendej̄a rá zö ja i ncja. Ndej̄m̄a da guahquij̄a c̄u dda j̄iöjte c̄u da jioni ja drí ujtiquij̄a hnahño palabra c̄u jin gui cierto. Gui mfödij̄a, pa jin da j̄iöhqij̄a-c̄u, cja pa jin gui jiejm̄a ca ya xcú hñemej̄a. ¹⁸Nuquiguej̄a, gui segue gui nxödij̄a pa más grí padij̄a ja i ncja cam Tzi Jmuj̄a Jesucristo, cja pa más grí yojm̄a cár tzi ttijqui. Guegue bi du pa bi ddajquij̄a car nzajqui ca jin da tjegue. Rí ntzøhui gu xöjtibij̄a cja gu ihtzibij̄a, nuya, cja co göhtjo c̄u cjeja c̄u ba eje, hasta bb̄a xta zøḥ car pa bb̄a xtu coji. Amén.

I ttzedi hua n̄ar carta-na.